

Khri's' Suangphum

Suangphum Iepkhitsa Ioungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XVI. No. 47

Private circulation

November 25, 2018

GOSPEL MEET-2018 ZOH HITA

-SPECIAL REPORT-

Pa Pathian ompihna in ninih dung daih Gospel Meet-2018 zan, Kiginni (Nov.24, 2018), in zoh hita. Hiai Gospel Meet pen Delhi congregation in tukum sung a nasep dingte (Work Plan) a guantel ahi a, Family Meet (December 8, 2018) chihlouh siah sepdingte ki zouvekta hi. Unaute pangkhawm a, kituak tak leh lungsim mun khat a i luankhawm ziaak ua, sep ding leh bawl ding i tupte kizou zou ahi.

2. Gelsa bang in Ziltawpni (November 23) zing dak 1100 hours in programme pat ahi a, zinglam hun masa mah unaupa Jamson, Preacher, in "Pianthakna/Hotdamna" chih thupi zang in, Johan 3:3-7 pansan, in minutes 45 sung thuhilhna hun manpha zang hi. Tomkim a gen in amah thugen hiai bang ahi. Miteng teng mikhial ahihziak in pianthakna a poimoh. Khelhna tuh dan a tateleka ahi a, Pathian toh hon khen hi. Michih in thukhenna mai-tuah vek ding. Jesu thukhentuh ding ahi. Aman a thute zang in thu a khen ding. Huaiziak in Jesu gendan leh ei pian thakdan a kibat kei leh nitopni Chiang in 'kon thei ngeikei, kei apan paimang un' hon chi ding hi. Jesu gen bang a piangthak loute tan ding tuh taangtawn gotna, meidiil, ahi.

3. Biak khawmna zoh in seminar kinei a, piangthak nailoute a ding in Intensive Bible Study a tuam in kinei hi. Seminar masa ah thupi "Buhlak Ding Tam, Nasem Ding Tawm" (Matthai 9:37; Luke 10:2) pansan in anaupa Siamkhanmuan in seminar paper luikhiakna nei a, minutes 30 vel hamlam deuh a hihlchetna thugenna a neih zoh in thupi apan in houlim khawmna hun (1230-1345 hours) ki zang hi. Sun hun in unaupa Jangthang leh unaupa Kammuanlal in mehding nitak a a huan uleh unau muanhuai bang zah hiam in antun hon puakte uh nekhawm in hun saulou (1400-1445 hours) sun-ann nekna in kikhawl hi.

4. Sunnung lam in session masa ah unaupa Thongginlian in thupi "Nasemtu Ding a Kithuam in" (2 Timothy 3:16-17) tungtawn in seminar paper khat hon luikhe nawn (1445-1630 hours). A masa ni in seminar paper thum luikhiak in om a, seminar paper thumna unaupa Chinpau in thupi "Tanchinhoih Puangzakna ah Saptuam" zang in seminar paper luikhe (1630-1700 hours) nawn hi (Seminar paperte laibu a hong kisuah khe ding ahihman in hiai ah i gensau kei hi). Amah thupi luikhiak ahih zoh in unauten houlim khawmna ki neizui ngal. Seminar neih hun sung in unaupa Jamson leh unaupa Nekkhothang makaihna in, a tuam in, Intensive Bible Study kinei a, piangthak nailou nungak-tangval 15 hong tel thei uhi. Huchiin, amasa ni tuh lamzang tak in ki zang zou a, unaupa Pauminthang in thumna nei in mipite (sun-ann sawk thei 100 vel) inn lam manoh in kipai chiat hi.

5. November 24 zingni hong suak a Gospel Meet-2018 ninih ni zang ding in biakkhawmna mun

kidelh huan nawn ahi. A masa ni mah bang in zing dak 11 in program kipan nawn a, unaupa Nekkhothang in thupi "Pianthakna/Hotdamna" (Johan 3:3-7) tungtawn in (a masa ni a unaupa Jamson gen sunzom in) thugenna minutes 45 vel hun hon zang nawn hi. Amah thugen tomkim hiai bang ahi. Khelhna ziaak in Pathian in tangtawn mun nih bawl-Tangtawn Gawtmun leh, Tangtawn Nopna mun. Hiai tegel deih zawk pen telthei ding in Pathian in zalenna hon pia hi. Tangtawn Nopna tun theihna ding in Kha leh Thutak a pianthak ngai ahihdan gen hi.

6. Zing lam biak khawmna (1100-1230 hours) zoh ahihtoh kiton in seminar kipan nawn a, Intensive Bible Study leng a tuam in kipan nawn hi. Seminar paper masa unaupa Pauminlun in thupi "Tanchinhoih Gen Ding a Sawlna Mang Ding in" zang in luikhiakna nei a, hun saulou hihlchetna nei masa hi. Tua zoh in a mah thupi ah houlimna (1230-1400 hours) unauten kinei khawm a, hun om liai hileh sawtpi houlim theih ding a lunglut huai thupi ahi. A zoh in a paikhawmte limlakna om a, taksa a dia kiphamoh, unau nupiten hon puak uh, anntun kinekhawm (1400-1445 hours) zai zai hi. Sun-ann nekzoh in sunnung program ki sunzom nawn hi.

7. Unaupa Kamkhenthang in thupi "Tanchinhoih Gentu' Neih Ding Hoihnate" tungtawn in seminar paper khat hon luikhe nawn a, houlimna leng saulou kinei man hi (1445-1630 hours). Ni masa ni mah bang in thupi tuam tuam tungtawn in seminar paper thum luikhiak ahi nawn hi. A tawpna ah unaupa Khamminthang in thupi "A Zakha Ngei Nailou kiang a Tanchinhoih Gen



PLACE OF WORSHIP

UCI Building,
Sector - VI. RK Puram,
New Delhi - 110022
Phone No. 9953968807

**'KHRIS' SUANGPHUM, A WEEKLY BULLETIN FOR
THE MEMBERS OF THE CHURCH OF CHRIST, DELHI,
ON THE FIRST DAY OF THE WEEK'**

Website : cocdelhi.org

Enkaitu : Jamson Guite | Panpihtu : Kham minthang | Jangthang

BIBLE CLASS

Class

Adult : Siamkhanmuan
Junior : Ginsuan & Samuel
Primary : H. Ngaihlan & Biaknem
Beginner : Vungngaihkim & Kimpi

Teacher

Toupani' Thilpiak

(18/11/2018) - ₹ 27,223/-

BIAKNA PROGRAM

Toupani' 25/11/2018

Hun-uk thumna : Thangbiaklun
Lapi : Pauminlun
Thilpiak : Pausuanlian
Theihgigena : Janglet
Thugen : James
Thumna : Jamson

BIAKNA PROGRAM

Kiginni 01/12/2018

Hun-uk thumna : Thongginlian
Lapi : Jamson
Thugen : Lamsuanmung
Thumna : Ginlian

Amun: UCI Building.
Sector - 6, RK Puram

BIAKNA PROGRAM

Toupani' 02/12/2018

Hun-uk thumna : Thongginlian
Lapi : Jamson
Thilpiak : Chinsuanmung
Theihgigena : Jangthang
Thugen : Nekkhothang
Thumna : Siamkhanmuan

ZOH HITA

Pathian ompihna thupitak toh tutung Gospel Meet nuamtak leh lohchingtak a zatzoh in omta hi. Amaspen in minthanna leh thupina Pathian i pia uhi. Genkhol a om bang-bang in program hoihtak in kizouvek a, Tanchinhoih zuikha nailou polamte leng tamkhop class ah hongtel theihman un ikipak uh. Huai diing a pan ana lakha unaute pahtak huai mahmah uhi. Hiai nasep hoih maban ah leng sunzom zel ni hang.

THOUGHT OF THE WEEK

**Kipathu genna tuh kei hon pahtawi, kithoihna ahi a,
ka thu mangte tengeng ka hondam ngeingei
diing (Sam 50:23).**

THU TUAMTUAM

ZINKHIA

Kal paita sintawpni zan in Saptuam Business Chairman unaupa Chinpau in office vai a poimoh kin a neihziak in Australia ah honna zinsan hi. Meeting lap diing a tukal sung a hongtunkik teitei sawm ahih thu amah apan zak ahi.

MEETING OM DIING

A hongtung diing tu kiginni chiang in business meeting neih hi diing hi. Workplan etkhawmna om diing ahihman in nipulum poimoh diing hi. Unaute'n poimoh ngaih in telchiat i sawm diing uh.

THUKUP PIAKTHEIH LAI

Saptuam workplan 2019 draf dia seh a om unaute Thongginlian, Khamminthang leh Jamson-te kiang ah thukup i neih leh meeting neih mantan in a piak theih lai diing.

THU TUAMTUAM

THEIHTUAK

Unaute'n Pathian vualzawlina i dawn ziak in i car neih uh bang leh hunkhop pha ahihman in kikhom diing a i kuan chiang in biakna mun a i car i park dan ah i pilvang diing uh. Utna munmun a park mailou in a kizom in park thei lehang hoih diing hi. Huchi hileh biakna zoh nung a kong a i houlim hun a leng i nung a kikhomte a diing a nongkai khalou diing hi.

THATHOH HUAI MAHMAH

I tract sutkhiakte uh Mission veng a unaute leh Seitol a unaute'n ana hawmzel uhi. Thuthak kingah dan in thahdou pau zang lak ah respond hoih mahmah hi. Tamkhop in unaupa Khupmang phone tungtawn a houpih ua, unaupa Jamson bang in leng call dong hi. Hawmsawn diing in tract bang leng vala uhi.

Sutzopna: Gospel Meet Report

Ding in" zang in seminar paper hon luikhe nawn hi (1530-1645 hours). Houlim khawmna leng om a thuman pha tampi ki genkhia hi. Seminar neih sung in Intensive Bible Study leng neih ahi a, tuni in class nih in kikhen hi. Class khat ah nungaknou 15 tel ua, adang pen ah a masa ni a hong telkhalou tangval nou mi 6 tel uhi. Amaute sinsaktu unautegel ban ah, unaupa James in panpih hi. Amaute piangthak nailou, unau tuailaiten a lawmte uh a hon zot khawmte uh ahi.

8. Nitak lam hun in program Co-ordinator, unaupa Khamminthang in seminar hun sung a kizatnate tomkim in report hon bawl a, Intensive Bible Study a kizatdan leh masawmna unaute Jamson leh James in leng tomkim report bawl uhi. Piangthak nailou a program hong-uapte thutak mop ahi ua, piangthak ding a kiman om tadih kei mah leh maban limchi mah mah ahihdan zak ahi. Tua teng zoh in unau- pa Nekkhothang in thumna in tutung Gospel Meet-2018 khakna bawel hi. Abul apan zohtan honpi Pa Pathian phat in om hen.